

"মিষ্টি বাচ্চারা - এখন এই রাবণ রাজ্য , পুরানো দুনিয়া সমাপ্ত হয়ে নতুন দুনিয়া আগত প্রায় , এইজন্যে শ্রীমত্ অনুসরণ করে পবিত্র হতে পারলে শ্রেষ্ঠ দেবী-দেবতা হতে পারবে ।"

প্রশ্নঃ - বাবা নিজের বাচ্চাদের সত্য নারায়ণের কথা শোনান , সেই কথার রহস্য কি ?

উত্তরঃ - তার রহস্য হ'ল - বাদশাহী নেওয়া আর তাকে হারিয়ে ফেলা। একজন(ব্রহ্মাবাবা) আল্লাহ-কে পেয়ে , তারপর তাঁর গাধাগিরি করা ছেড়ে দিল। যে বিশ্বের মালিক ছিল সে-ই ৮৪ জন্ম নিয়ে রাজত্ব হারিয়ে ফেলে, বাবা আবার তাদের নতুন করে রাজত্ব দেনা পতিত থেকে পবিত্র হওয়ার, গাধাগিরি ছেড়ে রাজত্ব নেওয়ার-- এই সত্যিকারের নারায়ণের কথা , বাবা শোনান ।

গীতঃ- অবশেষে সেই দিন এলো আজ . . .

ওম্ শান্তি । ওম্ শান্তির অর্থ রুহানি বাবা বুঝিয়ে দিয়েছেন । ওম্ অর্থাৎ আমি আত্মা আর আমার শরীর । আত্মাকে দেখা যায় না । তবে বোঝা যায় আমি আত্মা , আর এই আমার শরীর । আত্মাতেই থাকে মন -বুদ্ধি । শরীরের বুদ্ধি হয় না । আত্মাতেই সংস্কার থাকে , তা সে ভালো হোক বা মন্দ । মুখ্য হল আত্মা । সেই আত্মাকে কেউ দেখতে পায় না । আত্মা দেখে শরীরকে । আত্মাকে শরীর দেখতে পায় না । জানতে পারে আত্মা বেরিয়ে যায় আর তখন শরীর জড় বস্তুতে পরিণত হয় । আত্মাকে দেখা যায় না । কিন্তু শরীর দৃশ্যমান হয় । এমনিতে আত্মার যিনি ফাদার , যাঁকে 'ও গড ফাদার' বলা হয় , তিনিও দৃশ্যমান নন । ওঁনাকে জানা যায় , উপলব্ধি করা যায় । আত্মারা সকলে ভাই-ভাই শরীরে প্রবেশ করলে তখন বলা হয় ভাই-ভাই বা ভাই-বোন । আত্মাদের বাবা হলেন পরমপিতা পরমাত্মা । শরীর সম্বন্ধীয় ভাই-বোনেরা একে অপরকে দেখতে পায় । আত্মাদের সকলের বাবা এক , তাঁকে দেখা যায়না । তবে এখন বাবা এসেছেন পুরানো দুনিয়াকে নতুন করে বানাতে । নতুন দুনিয়া সত্যযুগ ছিল , পুরানো এই দুনিয়া কলিযুগ । এই দুনিয়াকেই বদলাতে হবে । যেমন পুরানো ঘর ভেঙে নতুন ঘর বানানো হয় । এমনিতে এই পুরানো দুনিয়ার বিনাশ হবেই । সত্যযুগের পরে ত্রেতা , দ্বাপর , কলিযুগ আবার সত্যযুগ , চক্রাকারে অবশ্যই আসবে । বিশ্বের হিস্টি -জিওগ্রাফি বারবার ফিরে আসে সত্যযুগে দেবী-দেবতাদের রাজ্য । অর্ধকল্প চলে সূর্যবংশী আর চন্দ্রবংশীয়দের । সেই সময়কে বলা হয়ে থাকে লক্ষ্মী-নারায়ণের রাজত্বকাল , রাম-সীতার রাজত্বকাল । কত সহজ এই হিসাব । তারপরে আবার দ্বাপর , কলিযুগে অন্যান্য ধর্মের লোকেরা আসতে শুরু করে । তখন দেবী-দেবতা , যাঁরা পবিত্র ছিলেন , তাঁরা অপবিত্রতায় বাঁধা পড়তে থাকেন । এখান থেকেই শুরু হ'য়ে যায় রাবণ রাজ্য । রাবণকে বছর বছর জ্বালানো হয় , কিন্তু সে জ্বলেই না । এই রাবণই সর্বাপেক্ষা বড় শত্রু , এইজন্যে তাকে জ্বালানোর একটা রেওয়াজ চালু হয়ে যায় । ভারতের এক নম্বর শত্রু হল রাবণ আর একনম্বর দোস্ত বা বন্ধু হল সর্বদা সুখদাতা স্বয়ং খুদা অর্থাৎ ভগবান । ভগবানকেই তো পরম বন্ধু বলা হয়! এই সম্পর্কে একটা কাহিনীও আছে তুমি ভগবান বন্ধু , রাবণ শত্রু । বন্ধু-ভগবানকে কখনও জ্বালানো হয় না । রাবণ শত্রু বলে দশ মাথাধারী রাবণের পুতুল বানিয়ে তাকে বছর বছর জ্বালানো হয় ।

গান্ধীজীও বলতেন আমাদের রামরাজ্য চাই। রামরাজ্যে সুখ আর রাবণ রাজ্যে দুঃখ। এইসব এখন বসে বসে কে বোঝাচ্ছেন? পতিত-পাবন বাবা, শিববাবা ব্রহ্মাদাদা। বাবা সবসময় উচিত করেন-বাপদাদা। প্রজাপিতা ব্রহ্মাও তো সকলের, যাঁকে অ্যাডম বলা হয়ে থাকে। ওঁনাকে (শিববাবা) গ্রেট-গ্রেট গ্র্যান্ডফাদার বলা হয়। মনুষ্য-সৃষ্টিতে প্রজাপিতা, প্রজাপিতা ব্রহ্মা দ্বারা ব্রাহ্মণ, সেই ব্রাহ্মণই আবার দেবী-দেবতায় পরিগণিত হন। দেবতা ধীরে ধীরে ক্ষত্রিয়-বৈশ্য-শূদ্র অবস্থায় পরিণত হন। এনাকে বলা হয়ে থাকে প্রজাপিতা ব্রহ্মা, মনুষ্য সৃষ্টির আদি, সর্বাপেক্ষা বড়। প্রজাপিতা ব্রহ্মার অনেক অনেক বাচ্চা আছে। বাবা বাবা বলে ডাকতে থাকে। ইনি হলেন সাকার বাবা। শিববাবা হলেন নিরাকার বাবা। গীতও গাওয়া হয় প্রজাপিতা ব্রহ্মা দ্বারা নতুন মনুষ্য সৃষ্টি রচনা করা হয়। এই হলো পতিত দুনিয়া, রাবণ রাজ্য। এখন রাবণের আসুরিক দুনিয়া বিনাশ হয়ে যাবে, সেইজন্য এই মহাভারতের লড়াই। তারপরে আবার সত্যযুগে এই শত্রু রাবণকে কেউ-ই জ্বালাবে না। রাবণ তো সেখানে থাকবেই না। রাবণই এই দুঃখের দুনিয়া বানিয়েছে। এরকম নয় যে যাদের অনেক পয়সাকড়ি আছে বা বড় বড় মহল ইত্যাদি আছে তারাই স্বর্গে থাকে। বাবা বুঝিয়েছেন, যদিও -বা কারও কাছে কোটি কোটি টাকা থাকে, কিন্তু শান্তি নেই, পয়সা ইত্যাদি তো মাটিতে মিশে যাবে। নতুন দুনিয়ায় আবার অনেক নতুন খনি বেরোবে, যার থেকে নতুন দুনিয়ার মহল ইত্যাদি সব তৈরী হয়ে থাকে, এই পুরনো দুনিয়ার বিনাশ এখন হবে। সত্যযুগের দুনিয়া সম্পূর্ণ নির্বিকারী এবং পাপমুক্ত। ওখানে যোগবলের দ্বারা শিশুর জন্ম হয়। বিকার ওখানে হয়ই না। না দেহ অভিমান, না ক্রোধ, না কাম। পাঁচ বিকার হয়ই না এইজন্যে ওখানে রাবণকে কখনও জ্বালানোই হয়না। এখানে তো রাবণ রাজ্য, এইজন্য সবাই ডাকে - হে পতিত-পাবন এসো। উনি তো মুক্তিদাতাও, সবার দুঃখহর্তা। সকলে এখন রাবণ রাজ্যের বাসিন্দা। বাবাকে এসে রাবণের কাছ থেকে ছাড়িয়ে নিতে হয়। বাবা এখন বলছেন - তোমরা পবিত্র হও। এই পতিত দুনিয়ার বিনাশ হবেই, যারা শ্রীমত্ অনুসরণ করে চলবে তারা শ্রেষ্ঠ দেবী-দেবতায় পরিগণিত হবে। বিনাশ তো হবেই আর সব ওলটপালট হয়ে শেষ হয়ে যাবে। বাকি কে বাঁচবে? যারা শ্রীমত্ মেনে পবিত্র থাকে, তারা বাবার মতানুসারে চলে বিশ্বের রাজ্যপাটের অধিকার অর্জন করে। এই লক্ষ্মী-নারায়ণেরই তো রাজ্য ছিল। এখন তো রাবণ রাজ্য যার বিনাশ অবশ্যই হবে। সত্যযুগীয় রামরাজ্য স্থাপন হতে হবে। এখানে রাম, সীতার নয়। শাস্ত্রে অনর্থক সব অনেক কথা লিখেছে। লক্ষা অর্থাৎ এই সারা দুনিয়া আর এখানে রাবণের রাজ্য। সত্যযুগে ভারত সোনার দেশ ছিল। যখন দ্বিতীয় কোনও দুনিয়া ছিল না। বাবা ভারতে এসে নতুনভাবে ভারতকে আবার সোনার দেশে, স্বর্গে পরিণত করেন। বাকি এত যে ধর্ম আছে সব ধ্বংস হয়ে যাবে। সমুদ্রও ফুলে-ফেঁপে সবকিছু ভাসিয়ে নিয়ে যাবে। বস্তু কি ছিল! ছোট একটা গ্রাম। এখন যেইমাত্র সত্যযুগের স্থাপনা হবে বস্তু ইত্যাদি আর থাকবে না। সত্যযুগে খুব অল্পসংখ্যক মানুষ থাকে। রাজধানী হবে দিল্লিতে, যেখানে লক্ষ্মী-নারায়ণ রাজত্ব করবেন। সত্যযুগে দিল্লি পরিস্থান ছিল। রাজগদিও ছিল দিল্লিতেই। রামরাজ্যেও দিল্লিই রাজধানী থাকে। কিন্তু রামরাজ্যে হীরে-জহরতের মহল ছিল, অপার সুখ ছিল। বাবা বলেছেন, তোমরা বিশ্বের রাজত্ব হারিয়েছ, আমি আবারও দিচ্ছি। তোমরা আমার মত অনুসরণ করো। শ্রেষ্ঠ হতে চাইলে অন্য কোনও দেহধারীকে স্মরণ না করে শুধুমাত্র আমায় স্মরণ করো। নিজেকে আত্মা নিশ্চয় করে আমি-বাবাকে স্মরণ যদি করো তবে তমঃপ্রধান থেকে সতোপ্রধান হয়ে যাবে, তোমরা আমার কাছে চলে আসবে। তোমরা আমার গলার মালা হয়ে পরে আবার বিষ্ণুর গলার মালা হবে। মালায় একেবারে উপরে আমি। তারপরে যুগল হলো ব্রহ্মা-সরস্বতী। ওরাই সত্যযুগে মহারাজা-মহারানী হবে। তারপর মালার পুরোটাই তাদের, যারা শ্রেষ্ঠত্বের বিচারে ক্রমানুসারে রাজগদিতে বসে। আমি

ভারতকে এই ব্রহ্মা-সরস্বতী আর ব্রাহ্মণের দ্বারা স্বর্গে রূপান্তরিত করি। যারা মেহনত করে তাদেরই স্মারক তৈরী হয়। আত্মাদের আবাসস্থল হল পরমধাম, যাকে ব্রহ্মাণ্ডও বলা হয়। আমরা সব আত্মারা ওখানে সুইট হোমে গিয়ে থাকব, বাবার সাথে। সেখানে হলো শান্তিধাম, মানুষ চায় মুক্তিধামে যেতে। কিন্তু ফিরে কেউ যেতে পারেনা। সবাইকে নিজের নিজের পার্ট সম্পূর্ণ করে যেতে হয়। ততক্ষণে বাবা তোমাদের তৈরী করতে থাকেন। তোমরা বাবার শ্রীমত অনুসারে তৈরী হয়ে গেলেই ওখানে যত আত্মারাই আছে সব এসে যায়, তারপরেই বিনাশ। তোমরা গিয়ে নতুন দুনিয়ায় রাজত্ব করবে আর আবারও শ্রেষ্ঠত্বের বিচারে ক্রমানুসারে চক্র চলতে থাকবে। গানের কলিতেও তো শুনেছ, অবশেষে সেই দিন এলো আজ। ভক্তিমার্গে কেবল ধাক্কাই খাচ্ছিলে। বাবা হলেন জ্ঞান সূর্য, জ্ঞানের প্রগাটা, প্রত্যক্ষভাবে জ্ঞান দান করেন. . .তোমাদের বুদ্ধিতে এখন আদি-মধ্য-অন্তের জ্ঞান ভরা আছে। তোমরা জেনেছ, যে ভারতবাসী নরকবাসী ছিল তারা আবার স্বর্গবাসী হবে। বাকি এত আত্মারা, সব শান্তিধামে চলে যাবে। বোঝানোর ব্যাপার তো খুব সামান্যই-- অল্ক হল আল্লা অর্থাৎ বাবা আর বে অর্থাৎ বাদশাহী। কথায় বলে, অল্ক সে আল্লা বে সে বাদশাহী। অল্ক দ্বারাই বাদশাহী লাভ হয়। আর তখন গাধাগিরিও শেষ হয়ে যায়। সেই কাহিনী বাবা সামনে বসে বুঝিয়ে দেন। এই হলো সত্যিকারের সত্য নারায়ণের কথা। বাকি সব শুধু মুখের কথা। বাবা-ই নর থেকে নারায়ণ হওয়ার জন্য এই জ্ঞান শোনান। এই সবই তো হিস্ট্রি-জিওগ্রাফি তাই না! লক্ষ্মী-নারায়ণের রাজ্য কবে শুরু হয়েছে কতদিন চলেছে, এতো শুধুই কথা হল! যারা বিশ্বে রাজত্ব করেছিল, তারা ৮৪ জন্মে এসে একদম তমঃপ্রধান হয়ে গেছে।

বাবা এখন বলছেন - আমি সেই রাজ্যই আবার নতুন করে স্থাপনা করি। তোমরা কিভাবে পতিত থেকে পবিত্র হও - তার সারা হিস্ট্রি-জিওগ্রাফি বুঝিয়ে দিই। সর্বপ্রথমে সূর্যবংশীয়দের রাজ্য তারপরেই আবার চন্দ্রবংশীয়দের, তারপর বৌদ্ধ, ইসলাম, খ্রিস্টিয়ানরা আসে। তখন সেই দেবী - দেবতা ধর্ম যেটা ছিল তা বিলোপ হয়ে যায়। বিশ্বের হিস্ট্রি-জিওগ্রাফি আবারও রিপিট হবে। শাস্ত্রে ব্রহ্মার আয়ু ১০০ বছরের হিসেব করেছে। এই যে ব্রহ্মা, যার মধ্যে বসে বাবা জ্ঞানদানের মাধ্যমে সারা বিশ্বের রাজ্যপাট দেন, একেও শরীর ছাড়তে হয়। সামনাসামনি বসে আত্মাদের বাবা আত্মাদের জ্ঞান শোনান, তিনি পতিত-পাবন। মানুষ, মানুষকে পবিত্র বানাতে পারবে না। যে নিজে মুক্ত হতে পারেনা সে অন্যকে কিভাবে মুক্ত করবে! ওরা তো সব ভক্তি শেখানোর, অনেক গুরু। কেউ বলবে অমুককে ভক্তি করো তো কেউ বলবে শাস্ত্র শোনো। অনেকানেক মত-মতান্তর, এইজন্যে সবাই আরও অবুঝ হয়ে গেছে। বাবা এসে এখন সমঝদার বানাচ্ছেন। এই লক্ষ্মী-নারায়ণ তো সমঝদার ছিল তাইতো বিশ্বের মালিক হতে পেরেছিল। এখন কত কাণ্ডাল হয়ে গেছে! তারপরেই শিববাবা এসে নরকবাসী থেকে স্বর্গবাসী বানান। বাবা এত ভালো করে বুঝিয়ে দেন যে এখানেই সৌভাগ্যোদয়ের সূচনা হয়। বাবা আসেনই মানুষ মাত্রেরই ভাগ্যোদয়ের জন্য। সব পতিত দুঃখী হয়ে আছে তাই না। সবকিছু গ্রাহি-গ্রাহি করে বিনাশ হয়ে যাবে, এইজন্য বাবা বলেন গ্রাহিগ্রাহি অবস্থায় পৌঁছানোর আগে বেহদের বাবার থেকে বিশ্ব রাজত্বের কিছু অধিকার নিয়ে নাও। এই যা কিছু দুনিয়াতে দেখছ তা সব নিশ্চিত বিনাশ হবে। পতিত ভারত, উদিত ভারত। এই নাট্যখেলা ভারতেরই। ভারতের উত্থান হবে সত্যযুগে। আর কলিযুগে এখন পতন হতে হয়। এইসব রাবণ রাজ্যে মায়ার প্রভাবের আমদানি। এখন বিনাশ অবশ্যম্ভাবী। বিশ্বের পতন, বিশ্বের উত্থান। সত্যযুগে কারা কারা রাজত্ব করেন তা বাবা সামনে বসে বুঝিয়ে দেন। উদিত ভারতে দেবতাদের রাজ্য। পতিত ভারতে রাবণের রাজ্য। এখন নতুন দুনিয়ার স্থাপনা চলছে। পুরনো দুনিয়া বিনাশ হয়ে যাবো

বিনাশ হওয়ার আগে তোমরা পড়ছ , বাবার থেকে বিশ্ব রাজ্যভাগ্যের অধিকার নিতে । এই হলো মানুষ থেকে দেবতায় পরিগণিত হওয়ার পড়া । সন্ন্যাসীদের পথই হলো নিবৃত্তি মার্গ । সেই ধর্মই আলাদা । তারা তো গৃহস্থ-ব্যবহারিক জীবন ছেড়ে চলে যায় , তাদের হলো হদের সন্ন্যাস । তোমাদের এই পুরনো দুনিয়া থেকে সন্ন্যাস নিয়ে এখানে আবার করে আসতে হবে না । এও যথার্থভাবে বুঝতে হবে , কোন কোন ধর্ম কখন আসে । চক্রে শুরুর শুরুতে তোমরা আসতেই মহারাজা -মহারানী হও । শুধুমাত্র অল্ক আর বে , আল্লা (শিববাবা) আর বাদশাহী এই দুইই বোঝাতে হবে । বাবা কাউকেই বিলেতে যেতে মানা করেননা । এমনিতে তো সবাই চায় মৃত্যু নিজের দেশেই হোক । বিনাশ তো এখন অবশ্যই হবে , হাঙ্গামা এত বেড়ে যাবে যে বিলেত থেকে ফেরতও আসতে পারবে না এইজন্য বাবা বুঝিয়েছেন ভারতভূমি সবচেয়ে উত্তম , যেখানে বাবা এসে অবতরিত হন । গড ফাদারই , যিনি এসে মুক্ত করে দেন । তাই এমন বাবাকে সর্বদা নমন করা উচিত , তাঁর জয়ন্তীও উদযাপন করা উচিত । কিন্তু গীতায় কৃষ্ণকে ভগবান আখ্যা দেওয়ায় বাবার সারা মহিমাই হারিয়ে যায় । নয়তো ভারত সবচেয়ে বড় তীর্থভূমি । সেই বাবাই এখানে এসে সবাইকে পবিত্র বানান , তাইতো এই ভূমি সর্বাপেক্ষা বড় তীর্থভূমি । সকলকে দুর্গতি মুক্ত করে সদগতি প্রদান করেন । এই ড্রামা আগে থেকেই স্থির হয়ে আছে । তোমরা আত্মারা এখন জেনেছ , আমাদের বাবা আমার (ব্রহ্মাবাবা) নিজের এই শরীর দ্বারা এই সকল রহস্য বুঝিয়ে দিচ্ছেন । আমরা আত্মারা শরীরের মাধ্যমে শুনে থাকি । আত্মা-অভিমানী হতে হবে । নিজেকে আত্মা নিশ্চয় করে বাবাকে স্মরণ করলে আত্মায় জমে থাকা অপবিত্রতার যে কালিমা লেপন হয়ে আছে তা মুছে যাবে আর পবিত্র হয়ে তোমরা বাবার কাছে চলে যাবে । স্মরণ যত করবে ততই পবিত্র হবে , অন্যকেও নিজ-সমান তৈরি করতে পারলে তবে অনেকের আশীর্বাদ প্রাপ্তি হবে । উঁচু পদ পেয়ে যাবে এইজন্য গাওয়া হয়ে থাকে সেকেণ্ডে জীবনমুক্তি । আচ্ছা -!মিষ্টি -মিষ্টি হারানিধি(সিকিলধে) বাচ্চাদের প্রতি মাতাপিতা , বাপদাদার স্মরণ-স্নেহ আর সুপ্রভাত । রুহানি বাবার রুহানি বাচ্চাদের নমস্কার ।

ধারণার জন্য মুখ্য সার:-

১) বাবার গলার মালা হয়ে বিষ্ণুর গলার মালার সূতোতে গাঁথা হওয়ার জন্য সম্পূর্ণ সতোপ্রধান হতে হবে । এক বাবার মতেই চলতে হবে ।

২) এমন সেবা করতে হবে যাতে অনেক আত্মার আশীর্বাদ পেতে পারো । গ্রাহি-গ্রাহি শোরগোল ওঠার আগে বাবার থেকে বিশ্বের রাজ্যভাগ্যের অধিকার পুরোপুরি নিয়ে নিতে হবে ।

বরদান:- নির্বল আত্মাদের মধ্যে সর্ব শক্তির ফোর্স ভরে দিতে সমর্থ জ্ঞানদাতা তথা বরদাতা ভব বর্তমান সময়ে নির্বল আত্মাদের এত শক্তি নেই যে তারা লাক দিয়ে উচ্চতায় উঠে উন্নতিসাধন করতে পারে , তাদের বাইরে থেকে অতিরিক্ত বলপ্রয়োগ করতে হবে । তাই তোমাদের বিশেষ আত্মাদের নিজের মধ্যে বিশেষ শক্তি ভরে নির্বল আত্মাদের হাই জাম্প দেওয়াতে হবে অর্থাৎ নিজসমান উচ্চতায় তুলতে হবে । এইজন্য জ্ঞানদাতার সাথে সাথে শক্তি প্রদান করার বরদাতা হও । রচয়িতার প্রভাব রচনার ওপর পড়ে এইজন্য বরদানী হয়ে নিজের রচনাকে সর্ব শক্তির বরদান দাও । এই সার্ভিসের এখন আবশ্যকতা রয়েছে ।

স্লোগান:- সাক্ষী হয়ে সমস্ত খেলাকে দেখলে নিরাপদও থাকবে মজাও পাবে ।